



# Uorden da scola

## Principi da basa

Nus giavischein en nossa scola in bien clima d'emprender ed ina buna cuminonza, perquei sedepurtein nus dischentamein e cun respect enviars tut ils participai. Moviment promova en general la habilitad da tschaffar si ed emprender ed ei perquei giavischaus e duei vegnir promovius. En cass da malsegirtads ni malcapientschas astgan ins adina sedrizzar alla persuna d'instrucziun da classa.

## A) En general

1. Las indicaziuns dallas persunas d'instrucziun (pdi), dils pedels e manischunzs ein adina da suandar (tenor Uorden disciplinar (UD), art. 4).
2. Ei vegn pretendiu punctualitad all'instrucziun ed a termins fixai (UD 4).
3. Ils stabiliments, ils indrezs, las apparaturas, sco era il material che vegn mess a disposiziun dalla scola vegnan duvrai cun quitau. Donns caschunai vegnan annunziai alla pdi da classa (UD 5).
4. Las apparaturas ed il material che vegnan duvrai, ston vegnir dustai el liug corrispudent suenter il diever (UD 5).
5. Ei vegn risguardau igl ambient e bess negin rumien giun plaun. Il rumien vegn dismiss el liug corrispudent (UD 5).
6. Ils apparats da medias resp. electronics ein sclai e deponi el sacados (UD 9).

## B) Areal da scola el liber

1. Jeu desistel da far canera extraordinaria duront il temps d'instrucziun (UD 4).
2. Sch'jeu bandunel ils stabiliments da scola, portel jeu calzers (UD 5).
3. Jeu desistel da better material che sa blessar persunas e/ni donnegiar caussas (p. ex. better bottas, etc.) (UD 5 ed 11).
4. Tut ils giugs cun bals han liug mo sils plazs prevedi, excepitu ils giugs lubi entras il material ch'ei mess a disposiziun dallas scolas (UD 5).
5. *Plaz da scola Trun:*  
Jeu desistel da termagliar cun/en las fontaunas (UD 5).
6. La pausa passentel jeu giadora sin il plaz da pausa. Ei dat mo excepziuns cun lubientscha d'ina pdi (UD 6).
7. Jeu damondel la pdi da classa per lubientscha ed informeschel la survigilanza da pausa en cass che jeu stoi bandunar il plaz da pausa ni igl areal da scola (UD 6).
8. Vehichels mobils da tuttas sorts deponel jeu ordeifer il plaz da pausa (UD 12).



### **C) Stabiliments da scola**

1. Jeu eviteschel risguardond mia vegliadetgna da far sapientivamein canera duront che auters han instrucziun (UD 4).
2. Jeu entrel en casa da scola cura ch'ei scalina l'emprema gada. La secunda gada ch'ei scalina sesel jeu en miu plaz e sun semtgaus per l'intrucziun (UD 4). La scoletta suonda agens temps d'intrucziun.
3. Jeu fetsch diever dalla gardaroba andantamein (UD 5):  
Jeu cavegliel ils calzers sut ed ils scalfins sin la cruna da calzers.  
Jeu pendel giaccas, sacados ed auter vid ils crutschs.  
Igl uorden da sport prendel jeu a casa la fin d'jamna e duront vacanzas.
4. Jeu portel en stanzas d'intrucziun buca calzers, excepium en luvratoris. Ordvard las stanzas d'intrucziun portel jeu scalfins (UD 5).
5. Jeu desistel da consumar maglias e bubrondas (incl. slogns), excepium aua da spina. En stanzas d'intrucziun decidan las pdi il proceder da consumaziun (UD 7).

*Intrucziun da moviment e sport (tenor Uorden da casa):*

6. *Trun*: Jeu entrel el Center communal cun calzers schubers e mon ella gardaroba corrispudenta (gardaroba 1 e 2: giuvens / gardaroba 3 e 4: giuvnas).
7. Jeu portel calzers da halla per l'intrucziun en halla (*Trun*: era sil plaz verd). Per auters loghens externs portel jeu calzers da sport per giuado ni ch'jeu schubregel ils calzers da halla duvrai.
8. Ellas duschas - sche talas ein avon maun - entrel jeu senza calzers e siarrel l'aua dallas duschas sch'jeu extreschel sco davos.